

Èbe Ra Rionbora Vwẹ

Ọbe Uyono rẹ Akpeyeren Avwanre vẹ Iruo Ruvie Na

AUGUST 5-11

EFE RỌHẸ OTA RẸ ỌGHẸNẸ | 2 TIMOTI 1-4

“Ọghẹnẹ kẹ Avwanre [“ẹwẹn,” NW] ri Rhu-rhu-u”

(2 Timoti 1:7) Kidie Ọghẹnẹ kẹ avwanre erhi ri rhu-rhu-u ẹkẹvuovo erhi rẹ ogangan kugbe ẹguonọ kugbe omaenye.

w09 5/15 15 ẹko. 9

Ighene, Jẹ Ẹyan Obaro rẹ Owvan Teyenphia Gbonoze

Ṗol vwẹ ukẹcha kẹ Timoti rọ vwọ vue nẹ, “Kidie Ọghẹnẹ kẹ avwanre [“ẹwẹn,” NW] ri rhu-rhu-u ẹkẹvuovo [“ẹwẹn,” NW] rẹ ogangan kugbe ẹguonọ kugbe *omaenye*.” (2 Tim. 1:7) “Omaenye” yẹrẹ iroro ro fioto churobo si ra vwọ nabọ frẹkotọ roro. O churobo si ra vwọ reyọ eronvwon kerẹ oborẹ ayen ghene hepha, ọ dia oborẹ avwanre guonore nẹ ọ dia-a. Ighene evo vwo ẹwẹn rẹ rhu-rhu yẹrẹ ọ rẹ oshọ, kẹ ayen davwengba vwọ kpairoro vrẹ ebẹnbẹn rayen womarẹ ovwerhen rẹ okieje yẹrẹ ughe eno rẹ okieje, ihuvwun egangan ẹrẹyọ, udiẹda vroma, akpoeriọ rẹ okieje, yẹrẹ uruemu rẹ ofanrhiẹn. A vwẹ uchebro kẹ igbene re dia Inenikristi nẹ ayen “siobo nẹ egagọ rẹ ofian kugbe ẹguonọ rẹ akpọ ofefe na, rere avwanre yere akpọ rẹ avwanre denden yoyovwi vwẹ evun rẹ akpọ na.” —Tai. 2:12.

(2 Timoti 1:8) Wo jẹ oma rẹ iseri ru wo se kẹ Ọrovwawwanre na vo owẹ-ẹ, eyẹ mẹvwẹ rọ hẹ uwodi na-a, ẹkẹvuovo gba re ẹkẹn oja wẹn fiki rẹ iyẹnre esiri na vwẹ ogangan rẹ Ọghẹnẹ,

w03 3/1 9 ẹko. 7

‘Fiudugberi Wọ Gan Oma!’

Ṗol vwo siẹ rhe Timoti, ọ da ta: “Kidie Ọghẹnẹ kẹ avwanre [“ẹwẹn,” NW] ri rhu-rhu-u ẹkẹvuovo

[“ẹwẹn,” NW] rẹ ogangan . . Wo jẹ oma rẹ iseri ru wo se kẹ Ọrovwawwanre na vo owẹ-ẹ.” (2 Timoti 1:7, 8; Mak 8:38) E vwo se eta yena nure na, ka sa nọ oma avwanre: ‘Oma rẹ esegbuyota na vọ ovwẹ gbane mi fiudugberẹ? Vwẹ asan mi de ruiro (yẹrẹ mi de kpo isikuru), mi ji ihwo efa riẹn nẹ mẹvwẹ Oseri rẹ Jihova, gbanẹ mi sio nẹ? Oma vo ovwẹ me vwọ fẹnẹ ihwo gbanẹ oma vwerhen ovwẹ nẹ me fẹnẹ ihwo efa kidie mẹ vẹ Jihova vwo omamọ oyerinkugbe?’ Ohwo rhe vwo omavwerhovwẹn kpahen iruo aghwoghwo na-a yẹrẹ ọ mrẹ bẹnbẹn akpeyeren royen vwọ fẹnẹ ọ rẹ ihwo efa, e jẹ ọ karophiyọ uchebro rẹ Jihova vwọ kẹ Joshua: “Goma rere wo yivwaro gangan.” Karophiyọ nẹ ọ dia oborẹ ihwo rẹ wọ vẹ ayen gbe ruiro yẹrẹ emọ isikuru wẹn tare yen ma ghanre-e, ẹkẹvuovo iroro rẹ Jihova vẹ ọ rẹ Jesu.—Galesha 1:10.

Hiẹ Guonọ Efe Na

(2 Timoti 2:3, 4) Re ẹkẹn oja wẹn kerẹ omamọ rẹ isodje ri Kristi Jesu. ⁴ O vwo isodje ro phiẹ ofovwi ro de phi oma phiho ọghrọrọn rẹ ihwo diodi-i, obo ro nẹ kẹ rere o vwo ru obo ri je ohwo ro reyerọ phiho iruo.

w17.07 10 ẹko. 13

¹³ Timoti vwo esegbuyota ogangan. Ọyinkon Ọl vwo se Timoti “omamọ rẹ isodje ri Kristi Jesu” nu, ọ da ta: “O vwo isodje ro phiẹ ofovwi ro de phi oma phiho ọghrọrọn rẹ ihwo diodi-i, obo ro nẹ kẹ rere o vwo ru obo ri je ohwo rọ reyerọ phiho iruo.” (2 Tim. 2:3, 4) Idibo rẹ Jesu nonẹna, ji te ekobaro okieje re vrẹ oduduru ovo, reyọ uchebro rẹ Ọl na vwo ruiro te asan rẹ ẹgba rayen teri. Ayen honran vwosua onye rẹ akpọ na kugbe odavwini ra vwọ dẹ kemu kemu ra vwophia, kidie ayen karophiyọ iji rẹ Baibol na nẹ, “Omomo igbo ọvien rẹ ohwo ro momo kẹ.” (Isẹ 22:7) Oma cha vwerhen Eshu mamọ siẹrẹ

a da ghwōrō ọke vẹ ẹgba avwanre eje phiyo ẹvwōtua rẹ efe rẹ akpō nana. E rhe nomaso-o, e se brorhiẹn rọ cha nẹrhẹ a dia ọviẹn kẹ ihwo vwẹ ikpe buebun. Kere udje, e se momo igbo vwō bọn uwewwin, dẹ imoto, hwsa rẹ isikuru rẹ ẹbe eyono ride yẹrẹ ru oronvwe ro kperusi. Aghwanre herọ dẹn, siẹrẹ e de ru akpeyeren rẹ ohwo lohọ, ji kẹnoma kẹ okposa. Ọyena cha nẹrhẹ a sa nabọ ga Ọghẹnẹ ukperẹ a vwō reyọ vwō tua efe.—1 Tim. 6:10.

(2 Timoti 2:23) Wo nene ẹkpa, rhurhu phra aphro-o; wọ riẹnre nẹ i fi ẹghwọ.

w14 7/15 14 ẹko. 10

Idibo rẹ Jihova “Siobọ nẹ Orukuruku”

¹⁰ Nonẹna, idibo rẹ Jihova fobọ mrẹ ihwo ri she nẹ ukoko na re da vwōsuọ-ọ. Dedena, a da mrẹ yẹrẹ nyo iyono re vwōso Baibol na, avwanre siọn kpakpata, ooro asan ro nurhe-e. Ọ cha dia emu rẹ ẹkpa re vwo nene ihwo tiọyena phraphro yẹrẹ si ovuẹ rhe ayen kpahon vwẹ kidjerhe kidjerhe. Ọ da tobọ dianẹ avwanre guonọ chọn ayen uko, ọtakugbe tiọyena vwōso uchebro rẹ Baibol ra ghwa ta ota kpahen na. Ukperẹ ọtiọyen, kere idibo rẹ Jihova, avwanre sen iyono rayen kare kare.

AUGUST 12-18

EFE RỌHẸ OTA RẸ ỌGHẸNẸ | TAITỌS 1-FILIMON

“Vwẹ Ekpako Mu”

(Taitọs 1:5-9) Ọna re sorọ me vwō yan je uwe vwo vwẹ obi Krit, rere wọ vwō rhuẹrẹ obo ri miovwiri vwẹ oboyi phiho, rere wọ rha vwẹ ekpako mu vwi korho korho kirobo ri mi dje kẹ wẹ, ⁶ eshare ri vwo abe-e, re rọwọre ẹsiẹvo kpoi, rẹ emọ roye vwo esegbuyota, re ghwō-ọ, re hōna-a, ri yivwaro-o. ⁷ Kidie Osun, kere odibo rẹ Ọghẹnẹ, o vwo abe-e, o mu oma kpenu-u eyẹ ọ fobọ mu ophu-u eyẹ ọ dia ogbaudi-i eyẹ o gbe ozighi-i eyẹ o vwo

urhuru rẹ erere-e, ⁸ ẹkẹvuovo o ru ẹse, ivun rẹ erhuvwu vwerhọ, o se sun oma roye rọ dia ohwo rẹ ọsoso, fuanfon, dẹnden; ⁹ rọ nabọ yonron uyota rọ hẹ evun rẹ uyono na, rere o vwo se bruche vwẹ evun rẹ uyono na, kugbe o vwo se dje kẹ otu re phra aphro.

w14 11/15 28-29

Enọ rẹ Ihwo ri Se Ẹbe Avwanre Nọre

Dede nẹ Baibol na ghwe dje obo ra reyọ ihwo vwo mu wan vwẹ ọke yena-a, jẹ a mrẹ eronvwon evo ri dje obo re ruro wan. Avwanre riẹnre nẹ Pọl vẹ Banabas vwo nẹ oyan rẹ imishonare rayen rẹsosuọ kpo, ayen da vwẹ “*ekpako mu* vwi ishoshi ọvuovo nu, vwẹ ẹrho-vwo ẹnẹ vẹ owẹvwe echiro, ayen de mu ayen phiho obo rẹ Ọrovwohwo rẹ ayen segbuyota na.” (Iruo 14:23) Ikpe evo vwō wan nu, Pọl de si ọbe rhe Taitọs, ọ da ta: “Ọna re sorọ me vwō yan je uwe vwo vwẹ obi Krit, rere wọ vwō rhuẹrẹ obo ri miovwiri vwẹ oboyi phiho, rere wọ rha *vwẹ ekpako mu* vwi korho korho kirobo ri mi dje kẹ wẹ.” (Taitọs 1:5) Vwẹ idjerhe vuovo na, ọkiọvo a je vwẹ ogangan tiọyen vwō kẹ Timoti ro ji nene Pọl vwẹ oyan aghwoghwo royen. (1 Tim. 5:22) O phẹnre dẹn nẹ iniruo okinriariẹ nana yen reyọ ihwo vwo mu, ọ dia iyinkon na yẹrẹ ekpako rehẹ Jerusalemu-u.

Vwo nene udje rẹ Baibol nana, Ẹko Rọvwẹrote rẹ Iruo rẹ Iseri rẹ Jihova ru ewene phiyo idjerhe ra vwō reyọ ekpako vẹ idibo rowian vwo muẹ. Ghwe vwo nẹ September 1, 2014, enẹ kọyen a reyọ ihwo vwo muẹ: Oniruo okinriariẹ ọvuovo cha nabọ fuẹrẹn ihwo re jiriri vwẹ okinriariẹ royen. Ọke ro de kin ikoko na, kọ cha davwẹngba vwō riẹn ihwo nana, je nene ayen wian vwẹ aghwoghwo, ọ da dia obo ro se ru. Ọ vẹ ekpako rẹ ukoko na da nabọ fuẹrẹn nu, oniruo okinriariẹ na kọyen vwo oghwa rọ vwō reyọ ekpako vẹ idibo rowian vwo mu vwẹ ikoko rehẹ okinriariẹ royen. Vwẹ idjerhe tiọyena, ọrhuẹrẹ-phiyyotọ na kọ sa hohọ ọ rẹ ẹgbukpe ujoin rẹsosuọ.

Amono yen vwerote edia vuovo vwevunre owian nana? “Odibo esiri na” yen vwo oghwa ro vwọ ghẹrẹ uchuru na. (Mat. 24:45-47) Onana churobo si a vwọ fuẹren Isiesi Ofuanfon womarẹ ukẹcha rẹ ewen ofuanfon na, rere ayen sa vwọ reyọ odjekẹ rẹ Baibol na phia ro shekpahen orhuẹrẹphiyotọ rẹ ukoko na vwẹ akpọneje. Odibo esiri na yen vwẹ iniruo okinriariẹ vẹ iniovo re ga vwẹ Umẹ Rọvwerote Oghon Ukoko vwo muẹ. Oghon ukoko ovuovo koyen vwẹ ukẹcha phia rere a sa vwọ reyọ odjekẹ na vwo ruiruo. Ekpako rẹ ukoko ovuovo vwo oghwa rẹ ayen vwọ nabọ fuẹren iwan rẹ Baibol na kpahen ohwo rẹ ayen che jiri vwẹ ukoko rẹ Oghẹnẹ na. Oniruo okinriariẹ ovuovo vwo oghwa rode ro vwọ nabọ fuẹren je nerhovwo kpahen ihwo rẹ ekpako na jiriri na, o me je reyọ i ri muwan vwo mu.

Hiẹ Guṇṇọ Efe Na

(Taitos 1:12) Ovo vwẹ usun rẹ ayen na, omraro rayen, tare nẹ, ihwo ri Krit vwenẹ evwṇrṇon efian, eranvwe ebrabra, evwufeti egbore.

w89 5/15 31 ẹko. 5

Enọ rẹ Ihwo ri Se Ebe Avwanre Nọre

O dia Pol rhonvwenphiyo eta ebrabra ra ta kpahen ihwo rẹ Krit na-a. O mu avwanre ẹro nẹ Pol riẹnre nẹ omamọ rẹ Inenikristi von evunre Krit rẹ Oghẹnẹ jẹreyọ womarẹ ewen ofuanfon royen. (Iruo Rẹ Iyinkon Na 2:5, 11, 33) Inenikristi buebun ri fuevun ri se kuomakugbe vwọ dia ikoko sansan von “korho korho.” Dede nẹ Inenikristi na gbare-e, o mu avwanre ẹro nẹ ayen dia evwṇrṇon efian vẹ egbore-e; kidie o da dia ọtiyen, ayen rha sa mrẹ ebruphiyo rẹ Jihova-a. (Filipae 3:18, 19; Ewophia 21:8) Kirobo ra mrẹ vwẹ asan eje, o sa dianẹ ihwo esiri jehẹ evunre Krit ri muomaphiyo fikirẹ iruemu ebrabra re riariẹ ayen phiyo, ayen je guṇṇọ kerhọ rẹ ovuẹ rẹ Uvie na.—Izikiel 9:4; ji ni Iruo Rẹ Iyinkon Na 13:48.

(Filimon 15, 16) Okeṇvo yi fiki rẹ ọtiṇana o vwọ djẹ nẹ uwe obọ rhawerheye, rere ọke ro de rhivwi rhe o vwọ sa dia ọwẹ bẹdẹ, ¹⁶ o gbe dia ọvien ọfa-a, ẹkẹvuovo kọ rho nọ ovien, oniṇvo rọ ghare kẹ vwẹ, rọ je ghare kẹ wẹ gangan kerẹ ugbeyan vẹ oniṇvo vwi Kristi.

w08 10/15 31 ẹko. 4

Odjekoko rẹ Obe rẹ Ovụẹ rẹ Pol si Rhe Taitos, Filimon kugbe ihwo rẹ Hibru

15, 16—Diesoro Pol rha vuẹ Filimon nẹ o siobonu Onismosi-i? Pol guṇṇọ yan mu iruo ra vwọ kẹ ro vwo ‘ghwoghwo Uvie rẹ Oghẹnẹ ji yono kpahen Orovwohwo, Jesu Kristi.’ Ọtiyena, o de brorhiẹn rọ vwọ kẹnoma kẹ eta rẹ aphro, kerẹ i ri shekpahen edia rẹ ọvien.—Iruo 28:31.

AUGUST 19-25

EFE RỌHẸ OTA RẸ OGHẸNẸ | HIBRU 1-3

“Vwo Eguṇṇọ rẹ Ovwata, Wo Vwo Utuoma rẹ Ozighi”

(Hibru 1:8) Ẹkẹvuovo vwọ kpahe Omọ na o da ta, Ekete wen, E Oghẹnẹ, o dia bẹdẹ bẹdẹ, ọkpọ rẹ ovwata na ọye hẹ ọkpọ rẹ uvie wen.

w14 2/15 5 ẹko. 8

Titi Kristi, Ovie re Urinrin Na!

⁸ Jihova vwẹ Jesu vwo mu Ovie vwẹ obo odjuvwu vwẹ ukpe rẹ 1914. ‘Ọkpọ rẹ uvie royen, ọyen ọkpọ rẹ ovwata,’ ọtiyena o muero nẹ usuon royen cha dia o rẹ ufuoma vẹ ovwata. O vwo uturhi ro vwo sun kidie ‘Oghẹnẹ yen ekete royen.’ Koyen, Jihova yen uchivwo rẹ uvie royen na. Vwoba, ekete rẹ Jesu cha dia “bẹdẹ bẹdẹ.” Oma vwerhen owẹ nẹ wọ ga Jihova vwẹ otọ rẹ usuon rẹ Ovie ro vwo egba rẹ Oghẹnẹ vwo mu?

(Hibru 1:9) Ovwata wọ guṇṇọ ozighi tu we oma; koye Oghẹnẹ, Oghẹnẹ wen na, vwọ vwẹ evwri te we evwri rẹ aghoghọ ru wọ vwọ rho nọ otu wen.

w14 2/15 4-5 ¶7

Titi Kristi, Ovie re Urinrin Na!

7 Se Une Rẹ Ejiro 45:6, 7. Jihova vwẹ Jesu vwo mu Ovie rẹ Uvie na kidie o vwo ẹguṇọ rẹ ọvwata, o de rhe vwo utuoma rẹ kemu kemu rọ cha ghwa ekan rhe Ọsẹ rọyen. “Evwri rẹ aghoghọ” yen a vwọ jẹ Jesu reyọ kerẹ Ovie vwọ vrẹ “otu” rọyen, re dia ivie rẹ Juda vwẹ urhie rẹ Devid. Vwẹ idjerhe vọ? Jihova komobọ yen reyọ Jesu vwo mu Ovie. Vwọba, Jihova reyerọ vwo mu Ovie vẹ Orheren Rode. (Une 2:2; Hib. 5:5, 6) Vwo kpobarophiyọ, ọ dia evwri yen a vwọ jẹ Jesu reyọ-ọ, ẹkẹvuovo womarẹ ẹwen ọfuanfon, usuon rọyen hẹ obo odjuvwu ọ dia otorakpo na-a.

Hię Guṇọ Efe Na

(Hibru 1:3) Oye hẹ elo rọ hohọ urinrin rọye rọ hohọ Ọghenẹ vwe erhuvwu rọye den, ọ da reyọ ota rẹ ogangan rọye vwọ yonre akpo na. Ọke rọ vwọ hworhẹ imwemwu nu, o de tidia oborhe rẹ Ọrho vwẹ obenu,

it-1 1185 ẹko. 1

Uhoho

Ewene herọ vwẹ idjerhe rẹ Jesu vwọ vwẹroke-re Ọsẹ rọyen?

Omọkpako rẹ Ọghenẹ, ra rien phiyo Jesu ọke rọ vwọ hẹ akpo na, ọyen uhoho rẹ Ọsẹ rọyen. (2 Kọr. 4:4) Ọ vwọ dianẹ Omọ na yen Ọghenẹ ta ota kẹ ọke rọ vwọ tanẹ, “Gbe jẹn avwanre ma ohwo vwẹ oma rẹ *avwanre*” na, kọyen Omọ na nabọ hohọ Ọsẹ rọyen, rọ dia Omemama na, vwo nẹ ọke rọ vwọ ma Omọ na. (Jẹn. 1:26; Jọn 1:1-3; Kọl. 1:15, 16) Jesu vwọ hẹ akpo na, ọ nabọ vwẹrokere iruemu rẹ Ọsẹ rọyen gbagba vwo te ẹdia rẹ ohworakpo se ru te, kọyensorọ ọ sa vwọ tanẹ “ọ rọ mrẹ vwẹ nu yọ mrẹ Ọsẹ na re.” (Jọn 14:9; 5:17, 19, 30, 36; 8:28, 38, 42) Ẹkẹvuovo, ọke ri Jesu vwo vrẹnushi nu, Jihova, rọ dia Ọsẹ rọyen je vwọ vwẹ “ogangan ejobi re hẹ odjuvwu vẹ akpo” vwọ kẹ nu, ọ da rhoma rhe hohọ Ọsẹ rọyen vrẹ obo ri jovwo. (1 Pita 3:

18; Mat. 28:18) Ọ vwọ dianẹ Ọghenẹ tobọ rhoma “kparọ kpenu gangan” nure na, kọ rhoma rhe vwẹrokere Ọsẹ rọyen ganphiyo vwọ vrẹ ọke ro vwo nẹ odjuvwu rhe akpo na. (Fil. 2:9; Hib. 2:9) Asaṣkiephana, ọ “hohọ Ọghenẹ vwe erhuvwu rọye den.”—Hib. 1:2-4.

(Hibru 1:10-12) Wẹ, Ọrovwohwo, re mama akpo na nẹ ẹtuohọ rhe, odjuvwu na kẹ iruo rẹ obo wẹn; ¹¹ ayen cha ghwo, ẹkẹvuovo yu wọ herọ; ayen cha ghwo kerẹ ewun, ¹² wo kpirhi ayen koko kerẹ ukpo, ke wene ayen. Ẹkẹvuovo abavo wọ epha, ikpe wẹn che vwo oba-a.

it-1 1063 ẹko. 7

Odjuvwu

Eta rẹ Une rẹ Ejiro 102:25, 26 shekpahen Jihova Ọghenẹ, ẹkẹvuovo oyinkon Pọl djere nẹ i ji shekpahen Jesu Kristi. Kidie Ọghenẹ reyọ Omọ vuovo rọyen na vwọ ma eronvwon eje. Pọl phi ofenẹ phiyo ẹdia rẹ jeghwo rẹ Jesu vẹ ọ rẹ emama na rẹ Ọghenẹ se ‘kpirhin koko kerẹ ewun’ siẹrẹ ọ da guṇọ.—Hib. 1:1, 2, 8, 10-12; ni 1 Pita 2:3.

AUGUST 26–SEPTEMBER 1

EFE RỌHẸ OTA RẸ ỌGHẸNẸ | HIBRU 4-6

“Pharhe re Wọ sa Vwọ Ro Omaerovwo rẹ Ọghenẹ”

(Hibru 4:1) Eriyin na, owan gba kẹnoma ọ rha dia eriyi-in, ive ro ve phiho kẹ avwanre na nẹ avwanre kpo omaerovwo rọye na vwo jẹ owan abọ ẹva.

(Hibru 4:4) Kidie ọ je ta vwẹ asan ọfa kpahe ẹdẹ righwrẹ na na nẹ, Ọghenẹ de rovwoma vwẹ ẹdẹ righwrẹ na vwẹ enu rẹ iruo rọye ejobi.

w11 7/15 24-25 ẹko. 3-5

Die Yen Omaerovwon rẹ Ọghenẹ?

³ Eronvwon ivẹ yen nẹhẹ avwanre rien nẹ ẹdẹ rẹ urovwoma na vwoba vwẹ ẹgbukpe ujoin ẹsosuọ-ọ. Ẹsosuọ, roro kpahen eta rẹ Jesu vue

ihwo re vwɔsuɔ kidie nɛ o sivwin ohwo vwɛ ɛdɛ rɛ urovwoma, ayen niro nɛ ɔyena owian. Jesu da ta kɛ ayen: “Oɔɛ mɛ *ji ru iruo te ɔke na*, kɔye mi ji vwo ruɛ.” (Jɔn 5:16, 17) Die yen a guɔnɔ ta na? Ayen vwɔso Jesu nɛ ɔ wiowian vwɛ ɛdɛ urovwoma. Ɔ da kpahen kɛ ayen: “Oɔɛ mɛ ji ru iruo te ɔke na.” Kɔyen Jesu ghwa tanɛ, ‘Mɛ vɛ Oɔɛ mɛ ruiruo vuɔvo. Ɔ vwɔ diane Oɔɛ mɛ je wian vwɛ ɛdɛ urovwoma rɛ ɛgbukpe uriorin rɔyen na, o ji fo nɛ me je wian, tobɔ vwɛ ɛdɛ urovwoma na.’ Ɔtiɔyena, Jesu ghwa tanɛ ɛdɛ rɛ Urovwoma rɛ Oghɛnɛ na vwoba vwɛ ɔke rɔ vwɔ hɛ otɔrakpɔ na-a.

⁴ Orɔnvwon rivɛ ke rha hɛ oborɛ ɔyinkɔn Pɔl tare. Pɔl vwɔ rionbɔ kpo Jɛnɛsis 2:2, ɛwɛn ɔfuanfon na de muo vwɔ ta ota kpahen Omaerovwon rɛ Oghɛnɛ: “Kidie avwanre ri se-gbuyota na *che kpo omaerovwo yena*.” (Hib. 4: 3, 4, 6, 9) Ɛdɛ rɛ omaerovwon na ji rhi vwoba vwɛ ɔke rɛ Pɔ-ɔl. Kɛ, ɔke vɔ yen ɛdɛ omaerovwon na che vwo vwoba?

⁵ A sa vwɔ kpahenphiyo onɔ yena, ofori nɛ a karophiyo ɔdavwɛ rɛ ɛdɛ omaerovwon na. Jɛnɛsis 2:3 da ta: “Oghɛnɛ de bruphiyo ɛdɛ rɛ ighwɛ na, ɔ da *vwɛ ɔghɔ kɛ*.” Jihova ‘muɔghɔ’ kɛ ɛdɛ yena, rere o se vwo ru ɔhɔre rɔyen gba. Ɔhɔre rɔyen yen ihwo ri *nyupho* rɔyen vwɔ dia akpɔ na, je vwɛrote vɛ kemu kemu rehɛ evun rɔyen. (Jɛn. 1:28) Fikirɛ orugba rɛ ɔhɔre nana yen sorɔ Jihova vɛ Jesu, rɔ dia “olori rɛ edidjalla” na vwo “ru iruo te ɔke na.” (Mat. 12:8) Ɛdɛ rɛ omaerovwon rɛ Oghɛnɛ na cha dia re te ɔke rɛ ɔhɔre rɛ Oghɛnɛ kpahɔn che vwo rugba vwɛ oba rɛ Usuon Ɛgbukpe Uriorin rɛ Jesu.

(Hibru 4:6) Ovwan mrɛre nɛ ihwo evo herɔ re cha ro evun rɛ omaerovwo na, yɛ ayen ihwo ra ka ta ota na kɛ cha sa ruɔ-ɔ fiki ri jɛ ɔghɔ emuo,

w11 7/15 25 ɛko. 6

Die Yen Omaerovwon rɛ Oghɛnɛ?

⁶ Adam vɛ lvi nabɔ riɛn ɔhɔre rɛ Oghɛnɛ, ɛkɛvuɔvo ayen rhɔnvwe ru nene-e. Adam vɛ lvi

da rhe dia ihwo rɛsosuo ri ke ru umwemwu. Nɛ ɔke yena rhe, iduduru rɛ ihwo ke vwɛrokere ayen. Ɛgborho rɛ Izrɛl rɛ Oghɛnɛ jɛreyɔ ji ru umwemwu abɔ buebun. Kɔyensorɔ Pɔl vwɔ vwɛ orhɔesio kɛ Inenikristi rɛ ɛgbukpe ujoin ɛsosuo nɛ evo usun rayen se ji shufi nana. O de si: “E gbe jɛn avwanre pharhe ra ro omaerovwo yena, rere ohwo ɔvuɔvo vwo je she kerɛ ihwo ri jɛ ɔghɔ evwo na.” (Hib. 4:11) Jokaphiyo nɛ Pɔl churu jɛ ɔghɔ evwo si e vwo jɛ omaerovwon rɛ Oghɛnɛ ɛruɔ. Die yen ɔnana mudiaphiyo kɛ avwanre? Avwanre da vwɔso ɔhɔre rɛ Oghɛnɛ vwɛ ɛdia evo, ɔ sa nɛrhɛ e ku uphɛn ra vwɔ ro omaerovwon rɛ Oghɛnɛ na kufia? A cha mrɛ ɛkpahɔnphiyo rɛ onɔ yena vwɛ obaro na kidie ɔ pha ghanghanre. Enɛna, e jɛ a mrɛ erɔnvwon efa re se yono nɛ orharhe rɛ udje rɛ ihwo rɛ Izrɛl kpahen obo ra sa vwɔ ro omaerovwon rɛ Oghɛnɛ.

(Hibru 4:9-11) Vwɛ ɔtiɔye na ɛdɛ rɛ omaerovwo ɔfa jɛ herɔ vwɔ kɛ ihwo rɛ Oghɛnɛ; ¹⁰ kidie kohwo kohwo rɔ sa ro omaerovwo rɛ Oghɛnɛ na nu ko ji rovwoma nɛ iruo rɔye kirobo rɛ Oghɛnɛ ruru. ¹¹ E gbe jɛn avwanre pharhe ra ro omaerovwo yena, rere ohwo ɔvuɔvo vwo je she kerɛ ihwo ri jɛ ɔghɔ evwo na.

w11 7/15 28 ɛko. 16-17

Die Yen Omaerovwon rɛ Oghɛnɛ?

¹⁶ Inenikristi evo nonɛna sa tanɛ e de nene ɛbɛre evo rɛ Urhi rɛ Mosis na ke che vwo usi-vwin. Eta rɛ Pɔl vuɛ iniɔvo rehɛ Ɛfesɔs phɛnre: “Kidie fiki rɛ ɛserɔphɛ e vwo sivwi ovwan vwɛ oma rɛ esegbuyota; ɔnana dia iruo rɛ obɔ rɛ ovwa-an, ɔkɛ rɛ Oghɛnɛ—ɔ dia ifiki rɛ iruo-o, rere ohwo vwo jɛ eyan ɛyan.” (Ɛfe. 2:8, 9) Die kɔyen o mudiaphiyo Inenikristi vwɔ ro omaerovwon rɛ Oghɛnɛ? Jihova fɛnɛ ɛdɛ righwɛn na, rɔ dia ɛdɛ rɛ omaerovwon, rere ɔhɔre rɔyen kpahen otɔrakpɔ na se vwo rugba. *A sa ro omaerovwon rɛ Jihova yɛrɛ nene rovwonma siɛrɛ a da vwomakpotɔ nene ɔhɔre rɔyen rɔ*

yan obaro kirobọ rẹ ukoko na reyo ayen vwo phia kẹ avwanre.

¹⁷ Vwọba, avwanre de kuẹrofia kẹ uchebro rẹ Baibol rẹ odibo esiri na vwọphia, ji ru obo ri je avwanre ọvo, kọyen avwanre vwọso ọhọre rẹ Ọghenẹ. Ọnana se miovwọ oyerinkugbe rẹ avwanre vẹ Jihova. Vwẹ uyovwinrota ro vwọ kpahen ọnana a cha fuẹrẹn ẹdia evo ri se djọbọte idibo rẹ Ọghenẹ, a je cha fuẹrẹn oborẹ orhiẹn rẹ avwanre bruru ra vwọ kerhọ rẹ Jiho-va yẹrẹ ru obo ri je avwanre, se djephia se a ghene guṇṇọ ro omaerovwon rẹ Ọghenẹ.

Hiẹ Guṇṇọ Efe Na

(Hibru 4:12) Kidie ota rẹ Ọghenẹ na ọkpokpọ gbrogbrọ sasasa, dandan kerẹ ọlọkọ rẹ ako ive, rọ nyavwe udu vẹ erhi rhie phiho, rọ herie ẹrho vẹ otu, o krẹ ro ki vughe iroro vẹ omeru rọ hẹ evun rẹ udu-u.

w16.09 13

Enọ rẹ Ihwo ri Se Ẹbe Avwanre Nọre

Die yen “ota rẹ Ọghenẹ” rẹ Hibru 4:12 tarẹ nẹ “ọkpokpọ gbrogbrọ sasasa” na?

■ Ẹkpo rẹ Baibol na djerephia nẹ Pọl ta ota kpahen ovuẹ, yẹrẹ eta ri shekpahen ọhọre rẹ Ọghenẹ kerẹ e rehe Baibol na.

Oke buebun, ẹbe rẹ ukoko na reyo Hibru 4:12 vwo djephia nẹ Baibol na vwo ẹgba ro se vwo wene ohwo, je ọyena shephiyo den. Ẹkẹvuovo, o che yovwin e de ni ọbe rẹ Hibru 4:12 vrẹ ọtiọyen. Pọl vuẹ Inenikristi rẹ Hibru nẹ ayen yeren akpọ nene ọhọre rẹ Ọghenẹ. A sa mrẹ ọhọre rẹ Ọghenẹ vwẹ isiesi ọfuanfon na. Pọl de djudje rẹ ihwo rẹ Izrẹl re sivwin nẹ Ijipt rhe. Ayen vwo uphen ayen vwọ ro otọ rẹ ive na “rọ djẹ ọkẹrẹ rẹ ame rẹ ivie vẹ ọnyon,” asan rẹ ayen de se vwo obọden rẹ ufuoma.—Eyan. 3:8; Urhi 12: 9, 10.

Ọyena yen ọhọre rẹ Ọghenẹ. Dedena, ihwo rẹ Izrẹl de ru udu rayen gangan, ayen rhe vwo esegbuyota-a, ọtiọyena buebun rayen rha sa ro omaerovwon yena-a. (Ukeri 14:30; Jos. 14:6-

10) Ẹkẹvuovo, Pọl da je tanẹ “ive ro ve phiho kẹ avwanre na nẹ avwanre kpo omaerovwo [rẹ Ọghenẹ] na” je hẹ otọ. (Hib. 3:16-19; 4:1) “Ive” yena ghini *ẹbere ọvo* rẹ ọhọre rẹ Ọghenẹ. Kerẹ Inenikristi rẹ Hibru, avwanre se se kpahen ọhọre yena ji yeren akpọ nene. Ro vwo djephia nẹ ive nana hẹ evunrẹ Baibol na, Pọl da rionbọ kpọ Jẹnẹsis 2:2 vẹ Une Rẹ Ejoro 95:11.

O muero nẹ oma vwerhen avwanre nẹ “ive ro ve phiho kẹ avwanre na nẹ avwanre kpo omaerovwo [rẹ Ọghenẹ] na” je hẹ otọ. Avwanre vwẹroso ive rẹ Baibol na nẹ a sa ghene ro omaerovwon rẹ Ọghenẹ, avwanre je jowọ re vwo ruọ re. Ọ dia Urhi rẹ Mosis na yẹrẹ ẹgbaẹdavwon romobọ avwanre yen e se vwo ruo-o. Ukperẹ ọtiọyen, womarẹ esegbuyota, avwanre yeren akpeyeren nene ọhọre rẹ Ọghenẹ ọkieje. Vwọba, kirobo re djunute siẹvure, ihwo uriorin buebun vwẹ akpọneje ton uyono rẹ Baibol phiyo, ayen da je rhe riẹn ọhọre rẹ Ọghenẹ. Ọnana nẹrẹ ayen wene akpeyeren rayen, vwo esegbuyota, ji bromaphiyame. Idjerhe rẹ uyota na djọbọte ayen wan ghwa odjephia nẹ “ota rẹ Ọghenẹ na ọkpokpọ gbrogbrọ sasasa.” Ọhọre rẹ Ọghenẹ re si phiyo Baibol na wene akpeyeren avwanre, o ji che dje ẹgba rọyen phi vwẹ akpeyeren rẹ avwanre ọkieje.

(Hibru 6:17, 18) Vwẹ ọtiọye na ọke rẹ Ọghenẹ vwọ guṇṇọ dje gbagba ro muero kẹ ohwo rọ cha reuku rẹ ive na ro je kurherie bẹdẹ na, o de duvwu iyori phiho, ¹⁸ rere vwi fiki rẹ emu nana ive re sa rherie-ẹ na, kidie ọ pha bẹnbẹn kẹ Ọghenẹ rọ vwọ vwọron ofian, kẹ arueyivwo yena avwanre vwọ djẹ sioma nu vwẹ iphiẹrohọ rọ vwọ kẹ avwanre na.

it-1 1139 ẹko. 2

Iphiẹrophiyọ

Iphiẹrophiyọ rẹ arhọ rẹ bẹdẹ vẹ ẹdia rẹ jegbo rẹ ihwo ri vwo “use rẹ obo odjuvwu na” (Hib. 3:1) cha riavwerhen rọyen muero kokoroko. E muro kpahen eronvwon ive rẹ Ọghenẹ che se

gun efian kpahe-en, eyehe, ive royen ve ɔphɔ royen. Kristi yen e mu iphirophiyɔ na kpahen; enɛna o vwo ugboma re jeghwo vwe odjuvwu. Koyensorɔ e vwo se iphirophiyɔ na “ɔtan re avwanre churu [“ewen,” NW] re avwanre mu ro vwo je bo, iphirohɔ rɔ sa ro obo ɛtan re ɛshe na [kirobɔ re orheren rode na ro Asan ro ma Fon vwe ɛde re Arhuere], rɔ he obuko re oga na, asan ri Jesu vwi fiki re avwanre ma obaro ra na, rɔ rhe vwɔ dia orheren rode na bede vwe urhi ri Melkizedek.”—Hib. 6:17-20.

